




VERKAIZENSPREGRAM GRONINGS

AUTEUR: INGEBORG NIENHUIS

ONZE GRONINGSE KANDIDOATEN



Derk-Evert
Waalkens



Gert
van Dellen

GEZOND VERSTAAND VEUR N GEZOND PLATTELAAND

BBB moakt zuch grote zörren over leefboarhaid op t plattelaand. De hudege politiek is nait ien stoat bleken om n duurzoame en laankjoarege visie te moaken op de ontwikkelen en t behold van t plattelaand, mit aal zien unieke kenmaarken, tradities, levenswieze en cultuurlaandschop. Ook t belang van de rol van boeren, toenders, vissers en joagers wordt onvoldounde onderkend. Ien Nederland is n uniek cultuurlaandschop ontstoan, mit daank aan lu dij wonen en waarken op t plattelaand. Ons laand staat wereldwied bekend om dit unieke laandschop. Wie binnen doar groots op en willen geern dat dit unieke laandschop ook veur de volgende generoatsies beholden blift. Om dit beholden te kinnen is t be-stoansrecht van ons eterij- en bloumenmoakers: de boeren, toenders, vissers en joagers essentieel. Zai onderhouden en beheren ons unieke laandschop ja al aiwen en geven dit al aiwenlaank deur aan volgende generoatsies.

Ienwoners van t plattelaand vuilen heur meer en meer vervremd van de Hoagse regels dij opbedocht worden deur lu dij te wied vot van t plattelaand of de regio's stoan. BBB gaat dij stem van t plattelaand veurgoud weerklinken loaten ien Den Hoag. Juust nou greun (greun-laand en coulissenlaandschoppen) draaigt te worden ienruild veur gries (industrie, zonne-parken, distributie- en datacentroa, wegen) is t meer as noodzoakelk dat de stem van én veur t plattelaand vertegenweerdegd wordt ien Den Hoag. Vanzulf binnen der ook aander partijen dij kopschrabens hebben over leefboarhaid op t plattelaand en t veurtbestoan van ons nuvere cultuurlaandschop. Dat is ook goud, mor der is nog gainain partij dij zuch hier volledeg veur ienzet en ook over vaaier joar nog de stem van en veur t plattelaand is.

Dij partij binnen wie aal. BoerBurgerBeweging, oftewel BBB

van ons laand- en toenbaauw speult n crucioale rol ien n leefboar plattelaand. Boeren en toenders zörren veur t laandschop, binnen rentmeesters van regio, zörren veur waarkge-legenhaid, economie, toerisme, recreoatsie, laandschopsbeheer, noatuurbeheer en veural socioale biending op t plattelaand. As de boeren en toenders verswienden, het dit slim grote gevolgen veur ons plattelaand zoas wie dat nou kennen. Waarkgelegenheid ver-

dwient, t jonkgoud trekt vot, dörpen lopen leeg, supermaarten en moatschappelke veurzainingen zoas t openboar vervoer, biebeltaiken en schoulen zellen sluten. t Laandschopsbeheer en noatuurbeheer zellen flink onder druk komen te stoan, as der gain boeren en toenders meer binnen dij helpen ons laandschop te beholden.

Ien summege streken van Nederland zai je dat al: dörpen en louten lopen leeg, boeren verswienden van t plattelaand. Leegstoande schuren worden nou al massaal huurd of opkocht deur drugscriminelen. Ien summege streken draaigen spoukdörpen te ontstoan en slagt verpaupern van t ook doar unieke laandschop haard tou. Aiwenolde plattelaandstradities verdwienen net zo goud, mit dizze boeren en burgers. De plattelaandscultuur verschromelt. BBB wil dit proces n halt touropen deur focus te leggen op de regio's ien Nederland. Regio's woar burgers oet grote steden heur vernurvern kinnen ien rust, roemte, noatuur en olderwetse plattelaandsgezelleghaid en veural: Noaberschap.

BBB wil n ènd moaken aan oetverkoop van ons plattelaand. Gezond Verstand daint te laaiden. Mit BBB as stem van en veur t plattelaand, mit aal zien aigen unieke kenmaarken en tradities, bringen wie dit Gezond Verstand weerom ien Den Hoag. Mit aacht pieters leggen wie n nij, steveg fundament onder de toukomst van n Gezond Plattelaand.

Loaten wie dudelk wezen: BBB is gain partij dij weerom ien tied wil, of t plattelaand romantiseert of idealiseert. BBB is zuch der terdege van bewust wat veur grote oetdoagens op t plattelaand òfkomen ien de zuiktocht noar roemte. BBB wil wél dat de minsen dij wonen op t plattelaand mitproaten en mitbepoalen wat veur keuzes ien heur leefomgeven moakt worden. Nait proaten óver, mor mít bewoners van t plattelaand. BBB wil dat t plattelaand nait de drekgroep is van de politiek ien Den Hoag, zoas t op heden voak aal behandeld wordt. BBB staait veur n vaaileg en leefboar plattelaand. n Stem veur t plattelaand is n stem veur heur ienwoners, heur cultuur, heur grote rol ien voudselproductie, heur recreatieve functie, heur schoonhaid, heur rol ien t nuvere Nederland.

GEZONDE BODEM: WAT WIL BBB?

- 01** Vruchtboare gronden blieden beskikboar veur voudselproductie.
- 02** Wie bemesten noar behoefte en zörge der zo veur dat planten nait langer ondervoud binnen en bodem nait oetput roakt.
- 03** Der komen gain beleidsveraanderns zunder veuròfgoande praktiekproeven bie representatieve bedrieven. Meten is ja waiten.
- 04** Zeggenschap van voudselproducenten en bie de wotterschoppen blift beholden om zo voudselproductie vaaileg te stellen.
- 05** Zuit wotter is essentieel veur planten, daaier en mins. Beschikboarheid en t behold van zuit wotter het hoge prioriteit.
- 06** Wie voeren n praktisch oetvoerboar misbeleid ien. Mis oetrieden wordt weersòfhankelk, ien plak van kalenderòfhankelk. Bie t misbeleid stoan vakmanschap, kennis en ervoarn van voudselproducent veurop.
- 07** Initiatieven om fosfaat oet minselke ontlasten te hoalen worden bevòrderd.
- 08** t Gebruuk van orgoanische mis wordt bevòrderd en doar waar meugelk gaat t kunstmis vervangen.
- 09** Wotterbeheer en t baargen van wotter hebben veurrang ien beleid en oetvoeren.

GEZONDE PLANTEN: WAT WIL BBB?

- 01** Emizzies en t vastleggen van broeikasgassen worden verrekend (dus t oetstötten min vastleggen). Dat is ja werkelk de oetstöt.
- 02** t Hudege, nuvere cultuurlaandschop op t plattelaand wordt beholden, zodat teelt van vaaileg, lokoal voudsel garandeerd is.
- 03** Ien ons bebaauwde roemte komt meer aandacht veur planten as temperatuurregeloar, producent van zuurstof en voudsel en vestingsstee veur vogels, aander daaier en planten.
- 04** Koamerplanten komen weerom ien Twijde Koamer en alle aandere overhaidsgesbaauwen, veur meer vrizze lucht en zuurstof. Dit komt t gezonde verstand ten goude.
- 05** Sunt wie planten beschaarmen tegen zaiktes en ploagen mit gewasbeschaarmingsmiddeln, hebben wie ien Europa gain hongersnood meer. Waitenschoppelke onderbaauwen van t College voor de toelating van gewasbeschermingsmiddelen en biociden (CTGB) bepoalt t touloaten van gewasbeschaarmingsmiddeln en nait de emotie van politiek. Politiek wizzelt elke joar of wat, dit is gain garaanzie veur consistent belaaid mit kennis van zoaken.
- 06** Wie zetten baarms, greunstroken en akkerraanden ien om insecten- en iemenpopuloatsie te beschaarmen. Boeren dij hier ien investeren worden doarveur beloond via de pries van heur producten.
- 07** Gras komt ien plak van toentegels, oases ien de ploats van koale winkelplaainen. Der ko-men meer planten, toenen en stiltebozzes ien openboare gesbaauwen.
- 08** Wie stimuleren net zo goud t ploatsen van insectenhoteles, zodat insecten weeromkomen ien stad. Dit bevördert ook weeromkomst van vogels.
- 09** t Gebruuk van beschaarmingsmiddeln veur zoaden wordt toustoan om ploagen en misoog-sten te veurkomen.
- 10** Wie geven n impuls aan (fundamenteel) onderzoek naar innovatieve teelt- en veeholder-ijsystemen. Nije systemen dij kostenverhogend binnen, worden deurrekend ien de pries van t voudsel.
- 11** Wie moaken persisietechnieken ien de laandbaauw praktiekriep en stimuleern t gebruik doarvan. Wie stimuleern de ontwikkeln van nije moleculen veur t gerichte bestrieden van zaiktes en ploagen.
- 12** Veur t gebruik van gewasbeschaarmingsmiddeln gelden veur burgers dezulfde rechten as veur boeren.
- 13** Baarms en greunstroken ien beheer van overhaid, worden op n noatuurleke wieze be-heerd. Der wordt allinneg maaid woar dit recht neudeg is veur de verkeersvaaileghaid. Wie zaaen baarms ien mit bloumrieke, ienheemse mengsels.
- 14** Ook planten hebben recht op n goud gevulde medisienkaast.

GEZONDE DAAIER: WAT WIL BBB?

- 01** Wie ordern n fonds, dat financierd wordt deur supermaarten. Oet dit fonds kriegen boeren n vergouden veur extroa (bovenwettelke) daaiervelzains-, daaiervelzondheids- en mili-eu-ienspanningen. Hou meer ienspanningen, hou hoger de vergoudingen veur de boer.
- 02** Der komt gain nije wet- en regelgeven ien Nederland en EU op wat daaiervelzain en daaiervelzondheid aangait, as de kosten dij de boeren moaken mouten, nait ien pries van dij producten opnomen binnen.
- 03** Waitenschoppelke onderbaauwen van t College voor de toelating van gewasbescher-mingsmiddelen en biociden (CTGB) bepoalt t touloaten van gewasbeschaarmingsmiddeln en nait de emotie van politiek. Politiek wizzelt elke joar of wat, dit is gain garaanzie veur consistent belaad mit kennis van zoaken.
- 04** Der komen aindudege velzainsregels binnen EU-verbaand, mit dudelke communicoatsie op (middelboare) schoulen via consumentenorganisoatsies.
- 05** Antibioticareductie is n goud streven, mor de zucht naar haitied minder antibioticage-bruuk mag nooit laaiden tot verminderd daaiervelzain. BBB zel hier scharp op touzain. Daaier mouten – zo dat neudeg is – behandeld kinnen worden mit antibiotica.
- 06** t Vouern van daaier mit minder aaiwit, om stikstofeetstöt te verminderen, mag nooit laai-den tot minder gezonde daaier. Agrarische belangenbehaartegers kriegen de vrijhaaid om te komen tot n praktisch waarkboar systeem, dat goud is veur daaier. Der komt gain ver-plichte reductie van aaiwit ien veevouer.
- 07** Zo gaauw as je n dood daaier ien de openboare roemte vienden, mout je dat makkelk en vergees melden kinnen om op te loaten hoalen. Zo veurkom je oetbroaken en overdracht van besmettelke zaikten en goa je mit respect om mit de daaier.
- 08** Schoademelden (as gevolg van bievelurbeeld gaanzen, wolven en wille swienen) bie t Faunafonds binnen vergees, ien plak van honderden euro's, en worden volgens landelk uniforme regels òfwikkeld.
- 09** Wie handhoaven de nulstand van wille swienen boeten aangewezen noatuurgebieden. Herveur worden voldounde middeln vrijmoakt, zodat der gain overlast is van swaart wild ien percelen van boeren en toenen van burgers.
- 10** n Boer mag zulf zien veearts kaizen en kin makkelk van veearts wizzeln.
- 11** Ien noavolgen van zaikenhoezen ien Noord-Broabant goan alle zaikenhoezen ien Neder-land de regels veur lu dij besmet binnen mit de veul minder besmettelke, dierrelateerde MSRA's, ten opzichte van humoan relateerde MRSA's aanpazen aan hudege kennis van zoaken.

GEZONDE DAAIER: **WAT WIL BBB?**

- 12** Wie binnen begaan mit t welzain van (laandbaauw)hoesdaaier, dus ook van peerden, gezelschopsdaaier en (wille) baisten ien noatuur. Wie regeln n One Welfare-benoadern deur n expertteam.
- 13** Der komen extroa welzainsregels bie dizze categorieën, as t noatuurleke gedrag waitenschoppelk ien t geding is. Extroa welzainsregels dainen te allen tiede oetlegd te kinnen worden aan consumenten.
- 14** Doar woar extroa welzainsregels tot n hogere kostpries laaiden, goan supermaarten de hogere pries zunder extroa opslag deurreken aan de consumenten en doarover eerlek communiceren.
- 15** Der komt extroa aandacht veur de positie van gezelschopsdaaier ien verstedelekt gebied of de (wille) daaier ien noatuurgebieden.
- 16** Veur wat t holden van exotische daaier deur particulieren aangaait, komt der n negatief-liest, mit daarop allinneg de soorten dij:
- bewezen hebben dat zai ongeschikt binnen om deur particulieren te worden holden, bie-veurbeeld omreden zai binnen slim gevaarlek (biev. katachtegen van > 5kg, oopen van > 5kg)
 - aanteunboar schoadelk wezen kinnen veur de autochtone biodiversiteit (invasieve exoten), doarbie gebruik moakend van de Europese lijst voor Invasieve soorten.
- Doarnoast gaait overhaid richtlienen opstellen veur t behold van exotische exoten, zoas dij ook ien Duutslan bestoan. Overhaid mout n goie controle verzörge, en handhoaven mit strenge straffen.

GEZONDE BOEREN: WAT WIL BBB?

- 01** Der komt n stabiel, laankjoareg en betraauwboar plattelaandsbeleid mit n looptied van tientallen joaren, woarien vaastlegd is wel welke roemte krigt ien ons laand.
- 02** Nederland krigt n wet Recht op Landbouw. Dizze wet woarbörgt t bestoansrecht van boeren, vissers en toenders ien Nederland. Zo wordt veurkomen dat mins en organisoatsies dij gain direct nijs hebben bie oetbraaiden of moderniseren van wettelk tougestoane, agrarische bedrieven, joarenlaange procedures vouern goan tegen boeren, allinneg mor omreden zai binnen tegen n bepoalde bedriefstak.
- 03** Om veur jonge boeren bedriefsopvolgen meugelk te moaken, en zo de toukomstege voudselproductie ien Nederland vaaileg te stellen, worden extroa gelden en fiscoale veurdaailen beschikbaar steld. De meugelkheden dainen zo ienricht te wezen dat jonge boeren ainvoudeg gebruik moaken kinnen van en tougaang hebben tot regelderij, ien plak van dat zai tegen n muur van regels en bureaucratie aanlopen. t Plattelaandsbelaid wordt opsteld soamen mit de agrarische sector, plattelaandsbewoners, t bedriefsleven en wai-tenschoppers.
- 04** Der komt gain nije wet- en regelgeven as de extroa kosten dij de boer hieurveur moaken mout, nait ien de pries van producten opnomen wordt.
- 05** Overhaidssutingen en -campagnes aangoande voudselproductie en voudselconsumptie worden eerst toetst op woarhaid; op feiten.
- 06** Der komt n structurele campagne, financierd deur overhaid, om consumenten te stimuleren ien Nederland produceerd voudsel te kopen.
- 07** Overhaidssubsidies aan organisoatsies dij bepoalde voudselproducten van t volksmenu weren willen, worden stopzet. Lu kinnen zulf best bepoalen wat of zai eten.
- 08** Der komen voldounde gelden beschikbaar veur tougepaast onderzuik en praktiekonderzuik veur laand- en toenbaauw ien verschillende regio's van t laand.
- 09** Komst van nije burgerhoezen ien t agrarische boetengebied laiden nooit tot bepaarkens veur de bedriefsvoeren van agrarische sector. Wonen ien t boetengebied betaikent erkennen en accepteren dat voudselproductie essentieel is en nait bepaarkt worden mag. Boeren dainen wel rekenschap te holden mit t woonplezaaier van alle ienwoners ien heur omgeven.
- 10** Nije plattelaanders kriegen meugelkhaid om n ienboeringscursus te volgen. Dizze cursus wordt soamen mit boeren- en plattelaandsorganisoatsies ontwikkeld en mitfinancierd deur t Ministerie van Platteland. Boeren en burgers leren zo nkanders levenswiezen respecteren en goan votdoadelk mit mekoar ien dialoog.

GEZONDE BURGERS: WAT WIL BBB?

- 01** Wie mouten onder ogen zain dat virussen, en dus ook Covid-19, aaltied bliieven - zoas griep ook onderdail worden is van ons leven. Op boasis van dit oetgaangspunt mout t Kabinet handeln. n Laangetermienbeleid ontwikkeln dat recht dut aan de vrijhaid, de gezondheid en de socioale biending maank minsien ien Nederland.
- t Kabinet ontwikkelt zo gaauw as meugelk n veuljoarege visie op n moatschappij mit Covid-19. Tussentieds moatregeln nemen en din weer òfschoalen geft grote onzekerhaid, onrust en ondudelhaid, ontnemt vrijheden en is slecht veur economie. Opschoalen van de zörg veur onderzoek noar en behandeln tegen virussen is essentieel.
- t Beschaarmen van personeel ien verpleegtehoezen, zörgcentroa, zaikenhoezen, en zuks-wat, het ien t veuljoarege beleid de hoogste prioriteit. Dit geldt nait allinneg veur zörgpersoneel, mor net zo goud veur schoonmoakpersoneel.
- De plicht of n advies om mondkapkes te droagen wordt nait overloaten aan ondernemers. t Kabinet daint aal din gain mondkapkesplicht (ien publieke roemte) òf te kundegen. Dit òfschoeven op individuele ondernemers is laf, onverantwoord en onvaaileg. Ondernemers worden op dizze menaaier meugelk blootsteld aan agrezzie en geweld deur lu dij nait aan n individueel mondkapkesadvies geheur geven willen. Om nog mor nait te proaten van de onhandhoafboarhaid.
- As wie t hebben over t Covid-19 virus, bruken wie t woord Covid-19. Corona dekt nait de loaden van dit virus. Coronavirussen binnen der ien veule soorten en moaten en komen bie slim veul baisten veur. Dit is nait aaltied Covid-19.
- Politieke moties woarien vroagd wordt om n fokverbod veur baisten dij gevuileg binnen veur coronavirussen, worden din ook ongeldeg verkloard, of worden tekstueel aanpaasd veur t iendainen dervan. Dit zol ja aans betaiken dat der n fokverbod vroagd wordt veur veule daaier ien Nederland. Dus ook veur honden, katten en peerden.
- 02** Der binnen goie veurzaininen neudeg (openboar vervoer, schoulen, geldautomatoaten, ambulance, politiepost, medische en culturele veurzainingen, snel internet) op t plattelaand, woardeur old en jonk zuch thoes bliieven vuilen ien heur aigen regio. Noast t Grote Stedenbeleid, komt der n plattelaandsbeleid om de leefboarhaid ien de regio's te woarbörge en te bevördern.
- 03** De overhaid is der veur de ienwoners en nait aansom. Beleid, holling en gedrag van overhaid wordt hierop toetst.
- 04** Der komen 'meer handen aan t bèr' ien de zörg, zodat der ook meer tied is veur sociaal contact.

GEZONDE BURGERS: WAT WIL BBB?

- 05** De grote rol van vrijwilligers en mantelzörgers ien mit noame de ollerenzörg wordt erkend en faciliteerd. Doarom wil BBB dat ien de dörpen woar voldounde roemte is, minsen ien de gelegenhaid steld worden om n zogenoamde ‘kangoeroewoning’ gestalte te geven, bie-veurbeeld deur t ploatsen van n roem toenhoeske of n woonunit, zodat zai zörg baiden kinnen aan heur ollu.
- 06** Der komt n Minister voor het Platteland mit n departement op minimoal 100 km ôfstand van Den Hoag.
- 07** Wie bepaarken de wet- en regelgeven. Der komt gain nije wet- en regelgeven zunder dat der ook bestoande wetten en regels ôfschaft worden.
- 08** Wie zörgen veur t behold van de agrarische sector en MKB-bedrieven op t plattelaand en holden doarmit waarkgelegenhaid, leefboarhaid en n gezonde economie ien stand.
- 09** Wie beholden t hudege cultuurlandschop op t plattelaand, woar lu oet de stad dieven-daaiern kinnen en gezonde lucht ienoademen zellen.
- 10** Wie stimuleren vergreunen deur burgers (tegels deroet, greune balkons, meer planten, toenen, bomen, en zukswat).
- 11** Wie faciliteren t behold van en t weeromkomen van buurtwinkels op t plattelaand.
- 12** Wie loaten burgers zulf oetfigelaaiern wat of zai eten willen. Toak van overhaid is ienfor-meren en veurlichten.
- 13** Wie geven aan burgers eerleke ienformoatsie over t belang van daaierleke aaiwitten ien n oetgebalanceerd voudselpatroon.
- 14** t Kabinet gaat 9 miljoen euro ienvesteren ien Voedselbanken Nederland. Mit dit bedrag kin t ministerie van Socioale Zoaken n Europese subsidie van 60 miljoun euro aanvragen bie de Europese Commissie veur Voedselbanken Nederland. Dit Europese fonds veur voudselbaanken bestaait gewoon, allinneg bruukt Nederland dij meughaid nait. Vergeliek: Frankrijk krigt elk joar 500 miljoun euro Europese subsidie veur voudselbaankhulp. Dij 60 miljoun euro is haard neudeg. t Aantal minsen dat gebruik moakt van voudselbaanken ien Neder-land stiegt elk joar. Verwacht wordt dat der (omreden Covid-19 zit der tussen) komend joar nog n extroa grui te zain wezen zel van 30-35 procent. Agrarische organisoatsies bundeln ien tied heur krachten mit Voedselbanken Nederland, om de voudselveurzaining aan voudselbaanken n impuls te geven.
- 15** Wie verbaiden iemport van producten dij produceerd binnen op n menaaier dij ien Neder-land zulf nait toustoan is. Handelsverdroagen mouten hierop test worden en woar neudeg aanpaast.

GEZONDE BURGERS: WAT WIL BBB?

- 16** Producten die vitoal binnen veur de Nederlandse soamenleven mouten ook ien Nederland produceerd worden, nou en ien toukomst. Denk hierbie aan beschaarmensmiddeln veur de zörg, n boasesvoudselpakket, brandstoffen, bepoalde medisienen en drinkwotter.
- 17** Antibioticagebruuk bie zowel daaier as minsen wordt bepaarkt tot wat strikt noodzoakelk is.
- 18** Wie stellen minsen centroal en nait regels, zoas bievueurbeeld ien t dossier kindertoeslag en inkomstenbelasting.
- 19** Der komt meer veurlichten en positieve aandacht veur de zörgsector ien t onderwies. Zo blift ook ien de toukomst de zörg veur minsen beschikbaar.
- 20** Regelgeven die t mainst op het mit grote verzörgenstehoezen, wordt òfschaft. Lutje verzörgenstehoezen functioneren optimoal, veurzain ien n grote behoefte en binnen neudeg veur de socioale cohesie op t plattelaand en ien wiken.
- 21** t Schaaiden van partners bie opnoame ien n verpleeghoes is verleden tied.
- 22** Der komt meer oog veur minsen ien de zörg op de waarkvlouer, ook structureel financieel.
- 23** Gezonde (laandbaauw)hoesdaaier binnen belangriek veur gezonde burgers, dat zaiktepreventie en hygiëne stoan veurop bie t moaken en oetvoeren van beleid.
- 24** Ook hoesdaaier ien stad en (wille) daaier ien noatuur kinnen zaik wezen of worden. Der komt goie communicoatsie over zoönosen; wat binnen dat en houveul risico's geven zai veur minsen?
- 25** (Laandbaauw)hoesdaaier kinnen n slim goud opsnorsysteem veur veul daaierzaikten via de Gezondheidsdienst voor Dieren (GD). Der komt n match mit de systemen van de GGD. Wie binnen veurstander van de One Health-benoadern, dus n combinoatsie van de hu-moane en daaiergeneeskundege aanpak veur volks- en daaiergezondhaid.
- 26** Bie n oetbroak van mins- of daaierzaikte wordt der deur n expert- & communicoatsieteam aindudeg en helder verslag oetbròcht aan parlement, overhaid en burgers.

GEZONDE ECONOMIE: WAT WIL BBB?

- 01** Der komt voldounde ontwikkelroemte veur producenten dij derveur kaizen om ien Nederland te blieven.
- 02** Der komt voldounde ontwikkelroemte veur ondernemers, zodat zai heur bedrijf overdroagen kinnen aan de volgende generoatsie. Zo blieven familiebedrieven beholden.
- 03** Der komt pas nije wet- en regelgeven as de kosten dij de ondernemer moaken mout, op-nomen is ien de pries van de producten.
- 04** Nederland is n handelslaand. BBB is doarom tegen n haarde Nexit oet de EU. De EU mout ook weer gain superstoat worden, dij alle regels veur alle inwoners bepoalen gaait.
- 05** Alle regio's ien Europa, of dit nou landen of streken binnen, binnen uniek en dainen heur aigen tradities en leefwiezen te kinnen beholden.
- 06** Der komt n structurele campagne, financierd deur de overhaid, om consumenten te stimuleren ien Nederland moakte producten te kopen.
- 07** Overhaid en bedrijfsleven kaizen woar meugelk ien kantines, bedrijfsrestaurants, zaikenhoezen en foodservice veur Nederlandse producten en droagen dit ook oet noar de consumenten.
- 08** Nederland ienvesteert structureel ien innovoatsie en onderzoek, zodat ons ondernemers aan de wereldtop kinnen blieven produceren.
- 09** t Kwartje van Kok mout, zoas 30 joar leden al beloofd, nou èndelk mor es òfschaft worden. Mit aander woorden: brandstofaccijnzen mouten terugbròcht worden mit dit bedrag. Dit levert t bedrijfsleven n grote kostenbespoaren op en de overhaid teunt zuch din èndelk n betraauwboare partner.
- 10** En nou wie toch aan gaang binnen: woar blift dij 1.000 euro van Rutte?

GEZOND ONDERWIES: WAT WIL BBB?

- 01** Schoulen op t plattelaand blieden open en 'thoesnoabie onderwijs' staat centroal.
- 02** Alle 150 gekozen Koamerleden en t voltallege Kabinet volgen noa elke ronde verkaizens verplicht n week n ienboeringscursus op t plattelaand, op minimoal 100 kilometer van heur aigen woonstee. Daar wordt heur alle facetten van wonen en waarken op t plattelaand biebròcht deur boeren en plattelaandsbewoners.
- 03** Veur alle studenten is der n boasesbeurs beschikbaar.
- 04** Bie nij beleid wordt n 'krimpcheck' toupast: dus bieveurbeeld bie t ienvoeren van nije onderwijsregels noagoan wat dizze regels veur iempact hebben veur de schoulen op t plattelaand.
- 05** Verkeerde of suggestieve ienformoatsie over welke sector of groep minsen din ook, verdwient oet schoulbouken. Schoulbouken woarien nog sproken wordt over waarkwiezen dij nait laanger op Nederland van toupazen binnen, zoas legbatterijen en kistkaalver, worden oet t onderwijs hoald – din wel aanpaast. Veurdat schoulbouken en lespakketten aan leerlingen aanboden worden, toetst n kundedge commissie oet verschaaiden sectoren t lesmaterioal op feitelke onjuustheden en propaganda.
- 06** Onderwiesers op ale schoulen wordt verboden heur aigen ideologieën te verspraaiden onder leerlingen. Der komt n meldpunt waar leerlingen en ollu dit melden kinnen. n Deskundedge commissie beoordailt dizze klachten.
- 07** Achterhoald lesmaterioal over voudselproductie, woarien bieveurbeeld nog sproken wordt over legbatterijen en kistkaalver, mag ien tied op schoulen nait laanger bruukt worden.
- 08** Voudselonderwies op grondschooulen wordt verplicht. Boerderijeducatie is hierien n belangriek onderdail. Ien de wet wordt hierover opnomen, dat kosten en aarbaid dij ondernemer doarien stekt, volledeg vergoud worden.
- 09** Vrijwillege boerderijeducoatsie wordt beter waardeerd. De overhaid stimuleert boerburger-communicoatsie nait allinneg ien woorden, maar ook ien doaden en zel din ook joarleks substantieel financieel biedroagen aan boerderijeducoatsie.
- 10** Ien de oplaaiden van alle leroaren wordt n stage bie n onderdail van de agrarische sector verplicht.
- 11** Op de schoulen veur Journalistiek wordt Laandbaauw, visserij en plattelaand n verplicht vak.
- 12.** t Veurtgezet, middelboar, hoger en universitair agrarisch onderwijs wordt, ien soamwaarken mit t bedrijfsleven, beter promoot op grondschooulen en ook ien t veurtgezet onderwijs. Allinneg din kin Nederland laaidend blieden as Agrarisch Kenniscentrum veur de rest van ons planeet en zo helpen te zörge veur voudselzekerhaid ien de wereld.

GEZOND ONDERWIES: **WAT WIL BBB?**

- 13** Gezain de specifieke oetdoagen en kennis ien dizze sector, vaalt Agrarisch onderwijs onder de verantwoordelhaid van t ministerie van Platteland en nait onder t ministerie van Onderwijs.
- 14** Der komt meer veurlichten om t jonkgoud te stimuleren n oplaaiden ien de agrarische sector te volgen. De laandbaauw wordt haitied n beetje meer hightech middels bieveurbeeld ICT en percisielaandbaauw. Dus ook hier het de sector nou wat nijs te baiden qua onderzuik en schouling veur n groep jongern.
- 15** Der mout ook ien t landelk gebied goie tougaang wezen tot hogeschoulen en universiteiten, eventueel via òfstaandsonderwies, combineerd mit lesdoagen op locoatsie. Dit zörgt derveur dat hoogopgelaaide jeugd veur heur studie nait verhoezen huijt noar de grotere steden. Dit kin meugelk op t plattelaand nije impulsen stimuleren.
- 16** BBB wil actieve buurthoezen ien elk dörp, woar verschaaiden activiteiten verzörgd worden deur cultureel moatschappelk waarkers. Zai kinnen net zo goud n signalerensfunctie vervullen ien de ontwikkelen van de jeugd ien de dörpen en doar n positieve stimulans aan geven.

GEZONDE MOATSCHOPPIJ: WAT WIL BBB?

- 01** BBB wil n Constitutioneel Hof ien Nederland, zoas ook al ien 2018 deur de Commissie Remkes veursteld. Gek genog kin je der op t heden as kaisgerechtegde Nederlander waai-neg tegen doun as t parlement n wet aannemt dij ien strijd is mit de Grondwet. Mit de oprichten van n Constitutioneel Hof kinnen burgers aal toetsen loaten of n wet ien stried is mit Grondwet. t Constitutioneel Hof toetst of n wet of regel nait ien stried is mit de fundamentele rechten en vrijheden of mit t geliekhaidsbegunsel zoas dat ien Grondwet vaast-legd is. t Constitutioneel Hof mout ook de meugelkheden kriegen om conflicten maank wet- en regelgeven tussen verschaaiden pervinzies te toetsen. Ook beslist t over n correct verloop van verkaizens en referenda en over de rechtsgeldeghaid van hoge mandoaten zoas dij van n Kabinet of n parlamentslid. Artikel 120 van de Nederlandse Grondwet, dat de rechter verbaidt om de wet te toetsen aan de Grondwet, wordt doarnoast schrapt. t Constitutioneel Hof mout leegdrumpelg wezen.
- 02** Meer geld veur politie en handhoaven. Klaainere politietoaken worden nait langer zunder meer òfschoven op BOA's, zunder dat dij de middeln hebben om heur te beschaarmen. De politie mout substantieel meer agenten oplaaiden kinnen. De politieposten op t plattelaand keren weerom.
- 03** Elkenain ien Nederland verdaint gelieke kaanzen. Doar huiven wie gain haile paragraaf aan te waaiden. Racisme en discriminatie binnen ontoulootboar en strafboar. Punt. Veur BBB moaken kleur, leeftied, òfkomst, seksuele geoardhaid en religie niks oet. Discriminoatsie is verboden. Dus ook positieve discriminoatsie. Minsen dij solliciteren bie overhaid worden beoordaild op boases van kwaliteit en nait op boases van geslacht, lichaamelke bepaarken, kleur, seksuele geoardhaid, religie of wat ook. Der komt din ook GAIN vraauwenquotum, of wat veur quatom din ook bie overhaidsdainsten. t Ainege quotum dat der komt is n kwaliteitsquotum: 100 persent van de waarknemers het de beste kwaliteiten. Bie t touwiezen van woningen wordt keken noar urgentie en nait naar òfkomst. Dit betai-kent dat de aine bevolkengroep nait meer of minder, of eerder recht het op n (betoalboar) hoes as de aander bevolkengroep, puur op boases van òfkomst. Dit geldt over en weer.
- 04** Voak wordt proaterij op televisie mit mensen dij van t plattelaand komen (Limburgers, Tuk-kers, Vraizen, Brabanders, etc.) standoard veurzain van ondertiteling. BBB viendt dit discri-minerend. BBB wil dat alle dialecten op televisie, plattelaands- én Raandstedelk-, woarien gain Standoardnederlands spoken wordt, ondertiteld worden. Dus ook as ain plat Amster-dams, Hoags, Rötterdams, Goois of Utrechts sprekt. Gelieke monniken, gelieke kappen.

GEZONDE MOATSCHOPPIJ: WAT WIL BBB?

- 05** De Nederlandse laand- en toenbaauw huift de wereld nait te vouden, mor kin aal HELPEN de wereld te vouden. Deur boeren ien Nederland te holden, blijft ook de kennis over voudselproductie ien Nederland. Dizze kennis kinnen wie ienzetten ien landen waar voudselze-kerhaid nait vanzulfsprekend is. Voudselschoarste laaidt tot socioale onrust, aarmou, bur-geroorlogen en doarmit immigroatsiestromen. Dit is onwenselk. Nederland helpt dizze landen mit heur laandbaauwkennis voudselzekeerhaid te verkiegen.
- 06** Minsen dij werkelk op de loop binnen veur oorlogen, of van wel heur leven en/of dat van heur volkje eernsachteg bedraaigd wordt en dij dat aanteunen kinnen, binnen welkom ien Nederland, veur de tied dij doarveur neudeg is. De veurkeur het t om derveur te zörge dat dizze lu in aigen regio opvongen worden. Dit moakt t makkelker om dizze mins - zo gaauw as dat meugelk is - ien te zetten bie de wederopbaauw van heur laand.
- 07** Immigranten dij NAIT oet n oorlogsgebied komen, mouten aanteunen kinnen dat zai ien Nederland vast waark en n onderkomen hebben. As zai dit bewiezen kinnen én de Neder-landse toal goud machteg binnen, worden zai touloaten. Noa vief joar te hebben biedroa-gen aan de Nederlandse moatschoppij en economie, kinnen zai ien aanmaarken komen veur n permanente verbliefsvergunningen.
- 08** Economische gelukszuikers zunder waark en ienkomen worden nait touloaten of zo gaauw meugelk oetzet noar aigen laand. Nederland nemt allinneg aanteunboare oorlogsslachto-vvers of aanteunboar eernsachteg bedraaigde mins op.
- 09** Der komt n herieken van de Natura 2000-gebieden. Te veul aangewezen gebieden, of ge-bieden dij onaiglik aanwezen binnen, worden schrapt.
- 10** Meten = waiten. Nij overhaidbeleid wordt baseerd op concrete meetgegevens, ien plak van op aannoames en modellen.
- 11** Lokoale partijen kriegen noar aantal zetels ien gemainteroaden en Pervinzioale Stoaten n geliekweerdege partijsubsidie, zoas landelke partijen ien de Twijde Koamer nou ook kriegen.
- 12** BBB trekt nait aan n dood Konikpeerd. Wie waarken nait mit wensnoatuur, mor stellen reële noatourdoulen. Miljounen euro's stoppen ien kansloze projecten is verleden tied.
- 13** t Landschop is evenveul weerd as t klimaat. Der komen gain zunnepanelen ien t boeten-gebied zolaank der nog lege doaken en terreinen binnen. Nije zunnepaarken worden toetst aan de 'zunneladder' of n vergeliekboar òfwegenskoader.
- 14** Der komen betoalboare hoezen veur starters op de hoezenmaart. Veur zogenoamde 'schaifhuurders' komen hoezen beschikboar om deurstroom meugelk te moaken. Wel klaainer wil goan wonen, mout n fersounlek alternatief boden worden.

GEZONDE MOATSCHOPPIJ: WAT WIL BBB?

- 15** Stem van burger wordt maank verkaizens deur heurd bie belangrieke besluitvörmn, bie-veurbeeld over zien leefomgeven. Dit gebeurt bie-veurbeeld via (lokoale of regionoale) re-ferenda en/of volkspaailen. Te denken vaalt aan n volkspaailen bie de aanleg van mega-zun-nepaarken of wiendmeulens ien t boetengebied en op de Noordzee en ien t IJsselmeer.
- 16** Subsidies veur zonnepanelen worden bruukt veur aanleg van panelen op bedrijfsdoaken en geluudsschaarmen, ien plak van op (laandbaauw)grond of ien Biologisch restmateriaal.
- 17** Nederland telt dik 139.000 kilometer verhaarde wegen. Onderzocht mout worden of ien vangrails lutje zunnepaneeltjes aanbrocht kinnen worden. Zo wordt landschopsvervoelen tegengoan en kin veul greune energie opwekt worden.
- 18** BBB is t mainst veur kernenergie as schone energiebron. Veur n structurele energiepro-ductie, zunder aantasten van ons nuvere landschop, zunder aanpazen van ons energienet kinnen vaailege kerncentrales baauwd worden. Gain CO2-oetstöt en n gekope grondstof. Nije technieken baiden nije, vaailege ienzichten: w.o. kernenergie.
- 19** Greunòfval wordt nait steukt ien biomassacentroales, mor ienzet ter verbeteren van bodem en bevördern van grui van planten.
- 20** Boerennoatuur is ook noatuur en wordt as zodoaneg deur de overhaid erkend, op weerde schat en stimuleerd. Noatuurorganisatsies subsidieerd deur de overhaid, nemen t belang van behold van boerennoatuur mi tien heur campagnes en droagen actief oet dat boeren-noatuur net zo goud noatuur is.
- 21** Subsidiestroom noar 'goiedoulenorganisoatsies' en actiegroepen dij politiek bedrieven, en op dij menaaiet t democroaties proces beïenvlouden, wordt stopt. Goiedoulenorganisoat-sies dij mit heur activisme t leven ien gevoar brengen van boeren, burgers en vissers, wordt de ANBI-stoates òfnomen, zodat zai gain belastenveurdail meer hebben.
- 21** De oetkoop van boeren om greune economie (laandbaauw) ien te ruilen veur grieze eco-nomie (industrie) wordt stopt Boeren moaken gain luxeproducten, mor noodzoakelke pro-ducten: voudsel. Dit vörm t noast zuurstof en wotter n eerste levensbehuifte. Voudselmoa-kers joag je nait vot oet Nederland, dij behol je veur Nederland.
- 23** Der komt gain oetbraaiden van Natura 2000-gebieden. t Oetkopen van boeren om de ienstandholdensdoulen aan randen van Natura 2000-gebieden te berieken is onneudeg en het gain positief effect. t Mag nait zo wezen dat der deur subsidie veur Natura 2000-ge-bieden vervolgens n oetrookbeleid voerd wordt, omreden achterblievende veeholders wordt nait langer ontwikkelroemte.
- 24** De ien t verleden oetvoerde moatregeln ien Natura 2000-gebieden worden toetst op re-sultoat, om te veurkomen dat nog meer miljarden euro's verspild worden.

GEZONDE MOATSCHOPPIJ: WAT WIL BBB?

- 25** BBB wil de ôfgesproken natuurweerde evalueren mit onafhankelke biologen, en as t ien stand holden realistich is dizze (zoals dij aine specifieke bloum, dat aine specifieke baistje, plantje of insectje) ien n Natura 2000-gebied beschaarmen.
- 26** Om zo'n specifiek gebied wordt n figuurleke rooie lien trokken. Boeren boeten dij rooie lien blieden heur ontwikkelroemte holden. Zo woarbörge wie productie* van gezond voudsel veur elkenain en t bestoansrecht van onze laand- en toenbaauw en doarmit n leefboar plattelaand mit vouldounde bedrievehaid, waarkgelegenheid, kaanzen veur re-creoatsie en toerisme, laandschopsbeheer en noatuurbeheer en socioale biending maank boeren en burgers.
- 27** Natura 2000-gebieden mouten zo veul as meugelk beleefd worden kinnen deur de mens. Ontougankelke noatargebieden worden per direct opensteld. De burger betoalt der via de belasten aan mit en het der recht op om van dizze gebieden te genieten én te contro-leren wat der mit zien of heur belastensinten gebeurt.
- 28** Wie mouten goud zörge veur de noatuur, zeggen de Road van Stoate en de Europese Kemizzie. BBB is t doarmit ains. Hóu of wie dat din doun mouten, staat ien gain enkele wet. Stikstofreductie is gain middel dat deur de Europese Kemizzie of de rechtspraak op-legd is. t Terugbrengen van de snelheid van 130 noar 100 km/u haar op boases doarvan nait nomen huiven worden en wordt dus trugdraaid.
- 29** Alle stikstofmoatregeln goan van toavel en der komen gain nije moatregeln. Zolaank de agrarische sector onder t, deur de EU verplichte, stikstofplafond blift, is der aiglieks gain enkele reden om via miljarden kostende stikstofmoatregeln de noatuur te herstellen.
- 30** Der wordt keken noar doulmoatege alternatieven veur de stikstofmoatregeln. n Verzuurd noatargebied kin bieveurbeeld haile ainvoudeg hersteld worden deur t touvougen van kalk. n Methode dij deur boeren en toenders al aiwen toupaaft wordt op heur aigen bo-dem. Ratio gaat boven emotie.
- 31** De zogenoamde Kritische Depositiewaardes (de houeulheid stikstof dij neersloan mag op n noatargebied) binnen onhaalbaar. As alle vee, alle verkeer, alle mins, alle lucht-voart en alle industrie oet Nederland verswonden is, din nog is de stikstofdepositie ien tientallen noatargebieden te hoog. Der komen haalbare nörmen, woardeur t mooie, karakteristieke Hollandse landschap beschaarmd en beheerd blift
- 32** Noatuur en milieu stoppen nait bie grens. Der komen Europese doulstellingen en soamen-waarkens bie t behold en verbeteren van noatuur en milieu. Dit ien plak van bovenwettelke Nederlandse doulstellingen en aaisen.
- 33** Gemeenteroadsleden kaizen de leden van de Eerste Koamer en nait Pervinzioale Stoaten.

GEZONDE MOATSCHOPPIJ: WAT WIL BBB?

Hiermit blijft t lokale geluud ien de landelke politiek (Eerste Koamer) ook woarbörgd.

- 34** De Omgevingswet, de lokoale participoatsie, t beleggen van toaken en bevougdheden bie de gemainte is n goie zaak, mor de nije Omgevingswet kin laaiden tot n willekeur aan regels, dij per gemainte aans binnen. Beleid mout baseerd worden op objectieve oetgaanspunten en meetmethodieken. Woar neudeg en woar situoatsie derom vragt, zel t beleid lözzer of strenger wezen mouten. Doar t nait neudeg is, gelden de landelke regels.
- 35** Stoere vraagstukken dij qua kennis boven de pet van gemainten goan, mouten ien overleg mit pervinzies en landelke overhaid behandeld worden. Gemainten mouten nait zulf t wiel oetvienden goan.
- 36** Procedures en regels ien de Omgevingswet mouten veur elkenain ainvoudeg blieven en nait te kostboar om oet te voeren.
- 37** Elk bedrijf dat zuch ontwikkelt, is toukomstbestendeg. Gemaintelke ontwikkelen van bedrijfs- en stalsystemen, oetstöt van (schoadelke) stoffen en vergreunen worden bekeken en behandeld as ain gehail. Dit totaalplaatje wordt deurvertoald ien n omgevingsplan.
- 38** Overhaid stimuleert dat plattelaandsgemainten lokoal en klaain blieven kinnen en riekt ze doarveur actief (financiële) middeln aan.
- 39** Plattelaandsgemainten worden nait dwongen om oet financiële overwegens te fuseren mit n stad tot n supergemainte. t Risico noa zo'n fusie is groot dat de veurmoalege klaaine gemainten, dij nou nu autonoom binnen en dicht bie de bevolken stoan, overschreeuwd of overruled worden deur de 'grote stadsbruier'. De kloof maank burger en overhaid mout verklaaind worden en n 'supergemainte' staat te wied vot van bevolken.
- 40** Der komen genug hoezen veur jongere lu op t plattelaand. Op dij menaaier wordt de verschaaidenhaid van jonk en old op t plattelaand beholden en leegloop veurkomen. Leegloop laaidt tot verslontern en onleefboarhaid.
- 41** Wie geven meer aandacht aan t bestrieden van criminaliteit op t plattelaand, om zo drugs-kartels en rondriedende bendes, dij oet binnen op bieveurbeeld GPS-apparatuur, gain kaans te geven. Ook hier geldt: meer geld en middeln veur politie en haandhoaven.
- 42** Der wordt eerst zoveul meugelk op de lege en beschikboare plakjes binnen de bestoande kernen/steden baauwd. Zo worden vruchtboare laandbaauwgrond en t unieke cultuurlaandschop op t plattelaand beholden. Pas as binnensdörps baauwen nait òfdounde bliekt, wordt der baauwd om kernen hin.
- 43** Ien de steden worden kantoor- en winkelpanden, dij laanger as 1 jaar leeg stoan, eerst om-baauwd tot hoezen/appartementen, veurdat laandbaauwgrond op t plattelaand òfsnaupt wordt veur nijbaauwhoezen.

GEZONDE MOATSCHOPPIJ: **WAT WIL BBB?**

- 44** Om zoveel mogelijk landbouwgrond te sparen, wordt er in de komende jaren meer verticaal als horizontaal gebouwd. Dus: meer hoogbouw in de steden, zodat het platteland zijn unieke karakter en landschap behouden kan. De stadsbewoner kan dan in zijn vrije tijd die verdoatsie vinden in het nieuwe landschap, de frisse lucht en de natuur in zijn directe omgeving.
- 45** In steden wordt meer groen aangelegd voor de recreatie en die verdoatsie van de stadsbewoners. Dit is goed voor het klimaat en zorgt voor minder hoge temperaturen in de volle, drukke stad.
- 46** Landelijke regels omtrent tradities, folklore en cultuur krijgen een plattelandstoets. Toetst wordt of de regelgeving vanuit Den Haag wel relevant is voor het platteland en wat de gevolgen binnen voor de onderlinge, sociale binding, de cultuur en de naberschap op het platteland.
- 47** BBB wil een overheid die transparant te werk gaat, en eerlijk is over waar beleid voor inzet wordt. Overheid heeft daartoe te wijzen aan hun inwoners en integer te werk te gaan.